

ЯНГИ ҲАЁТ УЧУН, ЯНГИ ЎЗБЕКИСТОН УЧУН!



4-yanvar 2024-yil 1 (1051)

www.21asr.uz

@XXIasr_yangiliklari

XXIasrgazetasi

xxi_asr@mail.ru

asr_xabarлари_news

ОЙНА

САРҒАЙМАГАН САҲИФАЛАР

ЁХУД ЗАЛВОРЛИ ЗАҲМАТ ОРТИДАГИ ҚУВОНЧУ ТАШВИШЛАР

**ВАҚТНИ ТЎХТАТИБ
Ё ОРТГА ҚАЙТАРИБ
БЎЛМАЙДИ. ЎТГАН
ЙИЛНИНГ САРҲИСОБИ
ТУГАР-ТУГАМАС,
УМРИМИЗДА ЯНГИ БИР
САҲИФА ОЧАЁТГАН 2024
ЙИЛНИНГ РЕЖАЛАРИ,
ОРЗУ-УМИДЛАРИ ҲАҚИДА
ҚАЙГУРА БОШЛАЙМИЗ.**

Бугун янги йилнинг тўртинчи куни. Газетамиз чоп этилганига ҳам роппа-роса йигирма йил тўлибди. Ўйга толади одам... Ана шу кичкина, лекин залворли сана мамлакат сиёсий-ижтимоий ҳаёти учун нақадар унутилмас тарихий воқеликлар, улкан ислохотлар, бунёдкорлик ва беқиёс ўзгаришларга бой бўлгани ҳамда, табиийки, кўнгилни хира қилгувчи айрим ташвишлар ҳам ортда қолгани бор ҳақиқат.

Баъзан айрим ҳамкасбларимиз ярим ҳазил, ярим чин маънода "Хўш, Тадбиркорлар ва ишбилармонлар ҳаракати – Ўзбекистон Либерал-демократик партияси бош муассис бўлмиш "XXI asr" сиёсий-ижтимоий газетаси номи "XXII asr" деб ўзгарадими?", деб сўрашади. Биз ҳам бўш келмаймиз. "Қани, ўша асрача омон бўлсак, кўраверамиз" деб кўямиз. Лекин, минг афсуски, ана шу миттигина киноя ортида қанча умр йўллари, тақдир ўйинлари, заҳмату машаққатлар, қувончу ташвишлар ётибди. Айтишга осон, йигирма йил ичида газета ижодий жамоаси қанча иқтисодий бўҳронларни ҳам енгиб ўтганига ҳаммамиз гувоҳимиз. Яширмаймиз, "Интернет замонида газета керакми ўзи, босма нашрларнинг умри тугади", дегувчилар ҳамон тиш қайраб турганини



кўриб, эссиз, журналистика тақдир кимларга қолди-я, дея қанча надоматлар чекканимиз ўзимизга аён.

Шу ўринда тан олмақ жоизки, кейинги етти йил ичида юртимизда барча соҳаларга, жумладан, ОАВга бўлган эътибор, имкониёт ҳақида алоҳида тўхталиш зарур. Замона зайли экан-да, бун-

дан уч-тўрт йилча бурун нуфузли давраларда, ҳатто катта лавозимдаги раҳбарлар орасида айнан газета-журналлар тақдирига оид номақбул гап-сўзлар айтилди. Саводхонлик, китобхонлик, мутолаа маданиятининг ўзаги бўлган босма нашрларда хизмат қилаётганлар меҳнатига бепиқсанд муносабатда бўлиш, айниқ-

са, миллий журналистикамиз келажигига соя соладиган бемаъни таклифлар ўртага ташланганида Президент Шавкат Мирзиёев мардона тарзда муносиб жавоб бергани бугунгидек ҳамон эсимизда.

3

XXI ASR ШАРҲИ

ЙИЛБОШИДАГИ ЎЙЛАР: ЯНГИ ЎЗБЕКИСТОН ОРЗУСИ ҲАҚИҚАТГА АЙЛАНМОҚДА

**БИР МИНГ САККИЗ ЮЗ ЭЛЛИК ТЎҚҚИЗ,
БИР МИНГ ЎН ИККИ, САККИЗ ЮЗ ҚИРК ЕТТИ
ВА ИККИ ЮЗ ЕТТИ. ДАРВОҚЕ, ОЛТМИШ ОЛТИ
МИЛЛИОН ВА ЯНА САККИЗ МИЛЛИАРДИ ҲАМ
БОР...**

Ушбу рақамлар нимани ифодалашини шарҳимизнинг интихосида баён этганимиз маъқул назаримда. Зеро, мантиқ шуни талаб қилади.

Очиги, янги йилни ҳеч қачон бошқа давлатда кутмаганман. Хизмат тақозоси юзасидан биринчи январь куни сафарга чиқилган вақтлар бўлди. Лекин курантлар бонгидан кейинги кўтлов билан ундан аввалгисининг ҳаяжонидан катта фарқ мавжуд. Шунинг учун ўзга элларда давлат раҳбарларининг янги йил табригига аҳоли қандай ҳозирланиши бўйича аниқ маълумотим йўқ.

Ўзбекистонда эса дуоғўй отахон ва онахонларимиз, меҳрибон опа-сингил ва ака-укаларимиз, қайси соҳа ва тармоқларда фаолият кўрсатишидан қатъи назар, барча ёшларимиз, мухтасар айтганда, кўпмиллатли бутун халқимиз кўтулуғ айёми Президент табриги билан қарши олади. Оила аъзолари тўкин дастурхон атрофида жамланган ҳолда диққат-эътиборини ойнаи жаҳонга қаратади. Давлат раҳбари қалбидан таралаётган самимий тилақларни астойдил тинглайди. Кўнгиллар орзиқиб, нигоҳлар порлайди. Каттаю кичикнинг кўзида умид шуълалари яққол сезилади.

Ҳеч ўйлаб кўрганмисиз, нега Шавкат Мирзиёев ярим тунда қароргоҳидан пийёда

юриб чиқиб, одамлар сайр қиладиган кўчалардан бирига келиб, мусавффо осмон остида халқни табриқлайди? Ахир замонавий техникалар иссиққина хонадан ҳам эфирга узата олади-ку бундай кўтловни! Бу йил-ку унчалик совуқ бўлмади. Бироқ ўтган йилги аномал об-ҳавода ҳам анъана ўзгармади.

Менимча, Президент ҳар бир хатти-ҳаракати олиб бораётган сиёсатига мос ва ҳамоҳанг бўлишини истайди. "Халқ билан мулоқот устувор вазифамиз", "Инсон қадрли ҳар нарсадан улуг" сингари даъватларига аввало ўзи оғишмай амал қилади. Элининг ютуқ ва қувончлари, ташвиш ва муаммолари билан доим биргалигининг балки ўзига хос намоишидир бу ҳолат. Жипслашган халқ, буюқ аждодлардан мерос ақл-заковати, ҳалол меҳнати, мустақкам иродаси билан ҳар қандай синовлардан муносиб ўтишга қодирлигига ишорадир балки бу ҳаракат.

Мана, бир пасда янги йилнинг тўртинчи кунида яшаймиз. Аммо ярим тундаги ўша ҳаяжонли табриқ ҳамон қулогимиз остида жаранглаётир: "...2023 йил эл-юртимиз учун қут-баракали ва омадли келди. Энг муҳими, юртимизда тинчлик-осойишталик, турли миллат вакиллари ўртасида дўстлик ва ҳамжихатлик ҳукм сурмоқда. Тарихимизда биринчи марта умумхалқ референдуми асосида янгиланган Конституциямизни қабул қилдик. Келгуси тараққиётимизни белгилаб берадиган "Ўзбекистон – 2030" стратегиясини амалга оширишни бошладик.

4

**XXI ASRNING 24-ЙИЛИДА
ҲАМ "XXI asr"
БИЛАН БИРГА БЎЛИНГ!**

**Обуна индекси - 406.
Мурожаат учун телефон: 71 255 68 50.**

ОБУНА 2024

УШБУ СОНДА:

2



**О'zLiDeP
ҲАМИША
ЁШЛАРГА
СУЯНАДИ**

4



**Болаликка
ҚАЙТГАН
КУНЛАРИМ**

5



**Бир
кун е...
БИР ЙИЛ
ЯША!**

6



**Машҳурларнинг
фарзандлари
ОТАЛАРИ ҲАҚИДА
ҚАНДАЙ ҲИКОЯЛАР
СЎЙЛАЙДИ?**

2024 йил - Ёшлар ва бизнесни қўллаб-қувватлаш йили



Оттабек СОБИТОВ,
О'zLiDeP Сийёсий Кенашининг Ижроия
Қўмитаси Бўлим мудири,
Ёшлар парламенти раиси ўринбосари

Ўзбекистонда ёшлар масаласи давлат сиёсатининг энг устувор йўналишларидан бири ҳисобланади. Мамлакатда ёшларнинг ҳуқуқ ва манфаатларини ҳимоя қилиш, уларга зарур шароит ва имкониятларни яратиб бериш борасида мустақам ҳуқуқий база яратилган. Бу тизим замон талабларига ҳамоҳанг равишда такомиллаштириб борилмоқда. Хусусан, сўнгги етти йилда ёшларга оид 50 дан зиёд қонун ҳужжати қабул қилинди, 30 дан ортиқ халқаро ҳуқуқий ҳужжатлар ратификация қилинди.

Бугунги кунда Ўзбекистон аҳолиси умумий сонининг 56 фоиздан ортигини шижоатли, ҳурфикр ёшлар ташкил этмоқда. Ёшлар таълими ва тарбияси, кадрлар тайёрлаш

Таъкидлаш жоизки, ўз навбатида ёшлар ҳам бугунги ислохотларнинг кузатувчиси эмас, талаба, ёш олим, давлат хизматчиси, тадбиркор, спортчи сифатида уларнинг иштирокчиси бўлишлари ҳамда давлат сиёсатини рўёбга чиқаришда фаол иштирок этиши жоиз.



Диёрбек СОАТАЛИЕВ,
Олий Мажлис Қонунчилик палатаси
Хузуридаги Ёшлар парламенти аъзоси

Мамлакатимизда 2016 йилда бор-йўғи 77 та олий таълим муассасаси мавжуд бўлган бўлса, 2023 йилга келиб 210 тага етди. Ёшларнинг олий таълим билан қамрови эса 9 фоиздан 2023 йилнинг якунига қадар 45 фоизга етказилди.



Умиджон РАҚИМОВ,
Олий Мажлис Қонунчилик палатаси
Хузуридаги Ёшлар парламенти аъзоси

Янги йилга ёшлар манфаати билан боғлиқ ном берилиши барча юртдошларимиз қатори самарқандлик ёшлар қалбини ҳам қувончга тўлдирди. Қаерга бўлмайлик, қай тенгдошимиз билан гаплашмайлик, бошланаётган йил улар ҳаётида ўчмас из қолдирадиган йил бўлишига ишончи ортаётганини айтмоқда. Ўзимиз ҳам бу йўлда шижоат билан меҳнат қилишга тайёрмиз.

2023 йил "Инсон қадри учун" тамойили асосида келгуси тараққиётимизни белгилаб берадиган "Ўзбекистон - 2030" стратегиясини амалга ошириш ишлари бошланди. Президентимиз таъкидлаганидек: "Ҳаёт бор экан, унинг



Жамолiddин ИМОМНАЗАРОВ,
Олий Мажлис Қонунчилик палатаси
Хузуридаги Ёшлар парламенти аъзоси

Ҳозирги даврда дунёдаги иқтисодий, сиёсий ва ижтимоий муаммолар ечим тўғрисида ёшлар билан боғлиқдир. Чунки бугунги ёшлар эртанги кунимизнинг етакчи кучи - лидерлари саналади. Шу тўғрисида, улар муаммоларига халқаро форматлар доирасида эътибор қаратиш, глобал ечимлар топиш ҳал қилувчи аҳамиятга эга.

Давлатимиз раҳбари ёшлар масаласида халқа-

О'zLiDeP ҲАМИША ЁШЛАРГА СУЯНАДИ

ҳамда ўғил-қизларимизни ҳар томонлама етук, билимли, салоҳиятли шахс сифатида камол топтириш ўттиз бир йиллик тарихимизда тизимли равишда такомиллаштирилмоқда.

Давлатимиз раҳбарининг Ўзбекистон халқига йўллаган Янги йил табригида 2024 йилга "Ёшлар ва бизнесни қўллаб-қувватлаш йили" деб ном бергани барча тенгдошларим қатори мени ҳам ғоят қувонтирди.

Қайд этиш жоизки, юртбошимиз мамлакат раҳбарлигининг илк кунлариданоқ бу йўналишда ҳам янгиликларни баркамол қилиб тарбиялаш, ҳаётга мустақил қадам қўйишлари учун барча шароитларни яратиб беришга қаратилган комплекс чора-тадбирларни белгилаб берди. "Бугун туғилган бола улғайиб, ҳар томонлама баркамол бўлиб вояга етиб, жамиятда ўз ўрнини топиши, кексайганда эса муносиб фаровон ҳаёт кечириши мумкин бўлган" деган яхлит тизим стратегияси илгари сурди.

Бу стратегия, энг аввало, шижоатли, креатив, жамиятдаги мавжуд ижтимоий муаммоларга инновацион ечим топа оладиган, юрт тараққиёти учун замонaviй ёғларни илгари сурадиган ташаббускор янги авлод вакилларини вояга етказишга қаратилди. Давлат ва нодавлат ташкилотлар орқали ёшларга оид сиёсат самарадорлиги ва натижадорлиги эришиш бўйича аниқ вазифалар белгилаб олинди. Аҳамиятли яна бир жиҳати шуки, янги тизим мамлакатдаги барча ёшларнинг ҳуқуқ ва манфаатини қамраб олишга йўналтирилди.

Шунингдек, билим юртрадида аъло баҳолабга ўқиётган талабаларнинг шартнома тўлови учун маблағлар бюджет ҳисобидан тўлаб берилиши йўлга қўйилгани, эҳтиёжманд оилалар дилбандлари учун ажратилган грантлар сони икки баробарга кўпайтирилгани илгари ошурта ёшларга шижоат, илҳом бермоқда. Олий таълим муассасаларига кириш имтиҳонларида энг юқори балл тўплаган 200 нафар ёшлар учун Президент гранти, республикамиздаги хорижий олий ўқув юртрадининг бакалаврият босқичи талабалари учун Президент ва давлат стипендиялари жорий этилди.

Бундан ташқари, илм йўлини танлаган иқтидорли ёшларни қўллаб-қувватлаш мақсадида докторантура босқичи учун квота икки баробарга оширилди. "Эл-юрт умиди" жамғармаси орқали эса юзлаб илм-фанга чанқоқ, истеъдодли ёшлар нуфузли хорижий олий ўқув юртрадида бакалавр, магистратура ва докторантурада ўқиш имконига эга бўлди. "Ўзбекистон - 2030" стратегияси орқали ҳам ёшларнинг таълим олишига қаратилган мақсадларнинг ҳаётда ўз исботини топаётганининг гувоҳи бўлмоқдамиз.

2024 йил - "Ёшлар ва бизнесни қўллаб-қувватлаш йили"да олий таълимга янада эътибор оширилиши, янги илм масканларини барпо этилишидан умидимиз катта. Бу ишларнинг самараси ва натижаси, албатта, биз ёшларни етук кадр бўлиб шаклланиб, Ватанимиз равнақи ва келажги йўлида хизмат қилишимизга замин яратади.

ютуқ ва қувончлари, ташвиш ва муаммолари ҳам бўлиши табиийдир. Аммо инсон ва халқ ақл-заковати, ҳалол меҳнати, мустақам иродаси билан ҳар қандай синовлардан муносиб ўтишга қодир".

"Ёшлар ва бизнесни қўллаб-қувватлаш" истагининг тағиди олам-олам маъно мужжасам. "Бизнес" сўзининг луғавий маъносига эътибор қаратсак, у инглизча business - иш, машғулот, корхона маъноларини англатади. Демак, бизнесни қўллаб-қувватлаш деганда бандлик, машғуллиқ, корхоналарни қўллаб-қувватлашни тушунишимиз керак. Шунингдек, фақат пул топишга қаратилган эмас, балки доимий равишда эътибор, қўллаб-қувватлашга эҳтиёжи бор соҳани тушунишимиз лозим. Яъни давлат томонидан бизнес қанчалик қўллаб-қувватланса, бундай субъектлар ҳам мамлакат ривожини, хизматлар сифати, мамлакат нуфузини ошиши ва халқ фаровонлигига хизмат қилиши даркор. Бизнес қанчалик ривожланса, унга шунчалик кўп ишчи керак бўлади, бу эса аҳоли, айниқса, ёшлар бандлигини таъминлайди, уларнинг ноқонуний миграцион жараянларга жалб этилишини камайтиради.

Президентимиз табригида таъкидланганидек, янги йилда иқтисодиётимизга хорижий инвестицияларни жалб этиш, тадбиркорлик ва хусусий мулк учун имкониятлар яратишни янада кучайтириш, илм-фан, инновация, ахборот технологиялари, "яшил" ва рақамли технологияларни ривожлантиришга алоҳида эътибор қаратилади. Ижтимоий соҳалар ривожини мутолға янги босқичга кўтарилди.

ро ҳамжамият билан конструктив мулоқотни йўлга қўйишни ёшларга оид давлат сиёсати соҳасидаги ишлар натижадорлиги ва ёшлар билан ишлаш самарадорлигини ошириш борасида олдимизда турган муҳим вазифалардан бири сифатида белгилаб берди. Нафақат ўзбекистонлик ёшлар, балки дунёдаги ёш авлод вакилларини "Инсон қадри учун" тамойили асосида фаровон ҳаёт кечиришини истагини билдирди. Шу тўғрисида, Ўзбекистон 2018 йилда Шанхай Ҳамкорлик Ташкилоти Ёшлар кенгашига, 2020 йилда Мустақил Давлатлар Ҳамдўстлигига аъзо мамлакатларнинг Ёшлар ишлари бўйича кенгашига, 2021 йилда эса Осиёда ўзаро ишонч чоралари бўйича кенгашининг Ёшлар бўйича кенгашига тенг ҳуқуқли аъзоси сифатида қабул қилинди.

Албатта, ёшларга оид янги тизим нафақат ички, балки ташқи сиёсатда ҳам манфаатлар муштараклигини назарда тутди. Зеро, Янги Ўзбекистон ёшлари халқаро майдонда ҳам ўз ўрни ва сўзига эга бўлиши керак. Бунинг учун халқаро алоқаларни мустақамлаш, хорижлик ёшлар билан фикр ва малака алмашиш майдонини яратиш лозим.



Самандар ИСЛОМОВ,
"Самандар ширинликлари"
оилавий корхонаси раҳбари,
"Келажак бунёдкори" медали соҳиби

Мустақиллик йилларида ҳаётимизда қўллаб-қўйиш аънавалар ўрин олди. Улардан бири - бошланаётган йилга олдимизда турган устувор вазифалардан келиб чиққан ҳолда ном берилмоқда. Энг муҳими, ушбу мақомга ҳамоҳанг равишда пухта ўйланган, ҳуқуқий ва молиявий асосланган ҳолда давлат дастури қабул қилиниб, ижроси таъминланмоқда. Айнан шунинг учун ҳам кўпчилик йил охиридаги сарҳисоб онларида келгуси йилнинг қандай аталашини интиқиб кутадиган бўлди.

"Инсонга эътибор ва сифатли таълим йили" деб номланган 2023 йил мамлакатимиз солно-

масига зарҳал ҳарфлар билан ёзиладиган воқеа, ҳодисаларга бой бўлди. Тарихимизда биринчи марта умумхалқ референдуми асосида янгиланган Конституциямиз қабул қилинди. Келгуси тараққиётимизни белгилаб берадиган дастуриламал ҳужжат - "Ўзбекистон - 2030" стратегияси қабул қилиниб, ижросини таъминлашга киришилди.

Давлатимиз раҳбари халқимизга йўллаган Янги йил табригида 2024 йилни мамлакатимизда "Ёшлар ва бизнесни қўллаб-қувватлаш йили", деб эълон қилди ва хайрли ишларимиз бу йилда ҳам изчиллик билан давом эттирилиши, инсон қадрини улғулаш, аҳоли манфаатларини таъминлаш, бунинг учун кучли иқтисодий барпо этиш асосий вазифа бўлиб қолишини таъкидлади. Бундай номлини халқимизни, айниқса, аҳолининг кўпчилик қисмини ташкил қилувчи ёшларимизни беҳад қувонтириб юборди. Аслида-ку, мамлакатимизда ёшларга эътибор, аллақачон давлат сиёсати даражасига кўтарилган.

Бугун озод ва обод Ватанимизнинг муносиб ворислари бўлиши йигит-қизларимизга билим олиш, меҳнат қилиш, ўзлари танлаган соҳа сир-асрорларини мукамал эгаллаш, иқтидорларини намоян қилишлари учун барча шароит яратилган. Демак, бу борадаги ишлар келгуси йилда сифат жиҳатдан янги босқичга кўтарилди.

Айни пайтда Жиззах вилоятида 1,5 миллиондан ортиқ аҳоли истикомат қилмоқда. Бугун республикамизда бўлгани каби, уларнинг 60 фоиздан кўпрогини айнан 30 ёшгача бўлган йигит-қизлар ташкил қилади. Қувонарлиси, "Ватан менга нима берди, деб эмас, балки мен Ватанга нима бердим?!", деб яшайдиган издошларимиз сафи кўпайиб бормоқда. Бунинг учун спорт, санъат, адабиёт соҳаларидагина эмас, балки инновация, ахборот технологиялари каби йўналишларда ҳам юксак натижалар қайд этаётганида кўрсак бўлади.

Эътиборли томони, бу жараёнда О'zLiDeP

Жиззах вилоят кенгаши "Ёшлар қаноти" гуруҳи аъзоларининг ҳам муносиб ўрни бор. Вилоятда маслакдош ёшлар 54 270 нафарни ташкил қилади, хусусий тадбиркорлар ҳам талайгина. Улар партиязнинг сайловолди дастури, "Ўзбекистон - 2030" стратегиясида илгари сурилган мақсад ва вазифаларнинг мазмун-моҳиятини кенг жамоатчиликка етказиш, ижросини таъминлаш чораларини кўрибгина қолмай, шахсий фаолият ва хулқи билан ҳам ўзгаларга ибрат бўлмоқда, янги иш ўринлари яратмоқда.

Юртбошимизнинг эътибор, ғамхўрлигига жавобан ёшларимиз ҳам бутун куч ва имкониятларини жонажон Ватанимизнинг гуллаб-яшнашига сарф қилишларига ишонамиз. Янги йилда фаол йигит-қизлар сафи янада кенгайверсин.

"XXI asr" мухбири
Нурхон ЭЛМИРЗАВА ёзиб олди.

ҚАРОР ВА ИЖРО

ФЕРМЕР ВА КЛАСТЕРЛАР ЎРТАСИДА ЯНГИЧА ТАРТИБ ЖОРИЙ ЭТИЛАДИ

2024 йил ҳосилидан бошлаб ПАХТА ХОМАШЭСИНИ ЕТИШТИРУВЧИ ХЎЖАЛИКЛАР ВА КЛАСТЕРЛАР ЎРТАСИДА ПАХТА ХОМАШЭСИНИ ЕТКАЗИБ БЕРИШ БЎЙИЧА ФЬОЧЕРС ШАРТНОМАЛАРИ ТУПРОҚ ХОСИЛДОРЛИГИ НОРМАТИВЛАРИ ДОИРАСИДА ТОВАР-ХОМАШЭ БИРЖАСИДА ҲАР БИР ХУДУД (ҚОРАҚАЛПОҒИСТОН РЕСПУБЛИКАСИ ЭКИ ТЕГИШЛИ ВИЛОЯТ) БЎЙИЧА АЛОҲИДА ЎТКАЗИЛАДИГАН САВДОЛАР НАТИЖАЛАРИГА КЎРА ТУЗИЛАДИ. БУ ҲАҚДА ПРЕЗИДЕНТИМИЗНИНГ "ҚИШЛОҚ ХЎЖАЛИГИДА ЭРКИН БОЗОР МУНОСАБАТЛАРИНИ ЯНАДА РИВОЖЛАНТИРИШНИНГ КЎШИМЧА ЧОРА-ТАДБИРЛАРИ ТЎҒРИСИДА"ГИ ҚАРОРИ ҚАБУЛ ҚИЛИНДИ.

Фьючерс шартномасига мувофиқ етказиб берилиши лозим бўлган ҳажмдан ортиқча етиштирилган, шунингдек, кластер билан фьючерс шартномаси тузмаган ҳолда, ўз маблағлари, шу жумладан жалб қилинган маблағлари ва тижорат кредитлари ҳисобига етиштирилган пахта хомашёси етиштирувчилар томонидан биржа орқали тадбиркорлик субъектларига сотилади ёки (ва) қайта ишла-

нади. Бунда фьючерс шартномаси бўйича ортиқча етиштирилган пахта хомашёси фьючерс шартномаси тузилган кластерга тўғридан-тўғри сотилиши мумкин бўлади.

Шунингдек, пахта хомашёсини қайта ишлашдан олинган пахта толаси ва иккиламчи маҳсулотлар (чигит, линт ва ўлик пахта) тўлиқ ҳажмда биржа орқали сотилади. Мазкур бандда назарда тутилган тартиб етиштирувчилар томонидан сотиладиган уруғлик пахта хомашёси учун татбиқ этилмайди.

Қарорда фермер хўжалиги ўз мажбуриятлари бўйича, шу жумладан ер ижараси, фьючерс ва кредит шартномаларида назарда тутилган мажбуриятлари бўйича ўз мол-мулки билан жавоб бериши белгиланган. Бунда, фермер хўжалигининг бошлиғига фермер хўжалигининг мол-мулки етарли бўлмаган тақдирда фермер хўжалигининг мажбуриятлари бўйича ўзига қарашли мол-мулк билан қонунчиликка мувофиқ субсидиар жавобгарлик юклатилади.

2024 йил ҳосилидан бошлаб пахта хомашёсини етиштириш, пахта йиғим-терими ва харидини Қишлоқ хўжалигини давлат томонидан қўллаб-қувватлаш жамғармасининг кредит ресурслари ҳисобидан молиялаштиришнинг қуйидаги тартиби жорий этилади:

а) фьючерс шартномаси тузган етиштирувчи ва уруғчилик субъектларига ҳар йили 1 октябрдан бошлаб, пахта хомашёси етиштириш учун - пахта хомашёси қийматининг 60 фоизгача йиллик 10 фоизда (шундан, банк маржаси 2 фоиз) 14 ойга, шу жумладан 12 ойлик имтиёзли давр билан кредит ажратилади;

б) кластерларга: пахта хомашёси хариди бўйича якуний ҳисоб-китоб учун пахта хомашёси қийматининг 80 фоизгача йиллик 10 фоизда (шундан, банк маржаси 2 фоиз) 10 ойга, шу жумладан 6 ойлик имтиёзли давр ва охириги 4 ой давомида тенг улушларда қайтариш шarti билан;

ижара ҳуқуқи мавжуд бўлган ер участкасида пахта хомашёси етиштириш учун - пахта хомашёси қийматининг 60 фоизгача йиллик 10 фоизда (шундан, банк маржаси 2 фоиз) 24 ойга, шу жумладан 18 ойлик имтиёзли давр ва охириги 6 ой давомида тенг улушларда қайтариш шarti билан;

ижара ҳуқуқи мавжуд бўлган ер участкасида етиштирилмаган пахта хомашёсининг йиғим-терими учун - пахта хомашёси қийматининг 20 фоизгача йиллик 10 фоизда (шундан, банк маржаси 2 фоиз) 12 ойга, шу жумладан 3 ойлик имтиёзли давр ва охириги 9 ой давомида тенг улушларда қайтариш шarti билан кредит ажратилади.



Фьючерс шартномасига асосан етиштирувчилардан қабул қилинган пахта хомашёси учун тўловларнинг 80 фоизи пахта хомашёси қабул қилинган олинган кундан бошлаб уч иш кунидан кечиктирмадан, қолган қисми молия йилининг 31 декабрь кунига қадар амалга оширилади.

Кластерларни ташкил этиш ва уларнинг фаолият юритиши учун қатор талаб ва янгиланган тартиб жорий этилади. Талабгор тўқимачилик маҳсулотлари ишлаб чиқариш (ип калаваси, трикотаж мато, газлама,

Кластерлар фаолияти қишлоқ хўжалиги вазири билан келишилган ҳолда Қорақалпоғистон Республикаси Вазирилари Кенгаши раиси ва вилоят ҳокимларининг қарорлари билан ташкил этилади. Кластер фаолиятини ташкил этиш истагида бўлган талабгорлар очик, ва шаффоф онлайн танлов асосида танлаб олинади. Пахта-тўқимачилик кластерлари фаолиятини мувофиқлаштириш бўйича республика комиссияси тугатилади. Қишлоқ хўжалиги вазирилик ҳамда тегишлилигига кўра Қорақалпоғистон Республикаси Вазирилари Кенгаши ёки вилоят ҳокимликлари билан талабгор ўртасида кластер фаолиятини йўлга қўйиш тўғрисида уч томонлама битим тузилади. Қишлоқ хўжалиги вазирилик кластерлар реестрини юритади ва ушбу реестрни ўзининг расмий веб-сайтида доимий равишда эълон қилиб боради.

Бир сўз билан айтганда, Президентимизнинг янги қарори қишлоқ хўжалигида эркин бозор муносабатларини янада ривожлантириш, пахта-тўқимачилик кластерлари ва қишлоқ хўжалиги маҳсулотларини етиштирувчилар ўртасидаги муносабатларни бозор тамойиллари асосида такомиллаштириш, тармоқда соғлом рақобат муҳитини шакллантиришга хизмат қилади.

Жаҳонгир ГАЛАЕВ,
Ўзбекистон фермер, деҳқон
хўжаликлари ва томоққа ер
эгалари кенгаши бош мутахассиси

САРҒАЙМАГАН САҲИФАЛАР

ЁХУД ЗАЛВОРЛИ ЗАҲМАТ ОРТИДАГИ ҚУВОНЧУ ТАШВИШЛАР

◀◀ Бошланиши 1-саҳифада.

Ўқитувчи ва мураббийлар кунига бағишланган тантанили маросимдаги нутқда давлатимиз раҳбари “Афсуски, биз кейинги йилларда “мажбурий обуна” баҳонасида ихтиёрий обунани ҳам йўқ қилдик. Натижада мактаб ва олийгоҳларнинг ўқитувчи ва домллари ўзлари учун зарур бўлган газета ва журналлардан ажралиб қолди. Шундай аянчли ҳолга келдикки, ҳатто айрим раҳбарлар газета ўқимаслиги билан мақтанадиган бўлдилар.

Ўзингиз биласиз, дунёда компьютер технологиялари энг ривожланган давлатлардан бири бу – Япониядир. Лекин ушбу мамлакатда кунига 3-4 миллион нусхада нашр этиладиган газеталар борлигига нима дейсиз? Айтмоқчиманки, ҳаётимизда радио-телевидение, интернет билан бирга босма нашрларнинг ҳам ўз ўрни бор.

Бугунги кунда босма нашрларни таълим муас-

(аслида қайғули) аҳволини кўриб, нима дейишга ҳайрон қолади одам. Улар учун Инсон тушунчаси эрмакка айланмоқда. У раҳбарми, оддий хунарманд ё хонандами, фермер ё муаллим, ота-онами, кимлигидан қатъи назар, айбдорми, айбсизми, барибир, шов-шув кўтариш, пашшадан фил ясаш, кимнингдир шаънини булғаш, қадрини топташ, ҳақорат қилиш “урф”га айланди. Нима эмиш, ана шундай сохта пиар йўли орқали ўзларига “обуначи” йиғармиш. Ҳалолнингиз бўлсин, хўш, қани энди сиз олиб чиқаётган танқидий чиқишга оид бўлмиш тегишли қонуний ҳужжатларни тақдим этинг, бу ҳақиқатми ё тухматми, исботланг, деб кўринг-чи, ўша заҳоти кенчагина минг-минглаб содда одамларни чув тушириб, менинг каналим (бу ўзанчаси қанчалик шаффоф ё балчиққа беланганини қилни қирқ ёрадиган ҳуқуқбонларгина аниқлаши учун қанча вақт кетишини тасаввур қилаверинг энди)га аъзо бўлинг, биттагина “лайк” боссангиз кифоя, дея очикчасига тиланичидан қилаётганларнинг нечаси журналистика кўчасида ўтган экан? Буни энди бошқа масала! Нега бу мавзуга

ҳам йўқ эмас. Лекин ҳар қандай вазиятда ҳам мўъжазгина таҳририят (ҳозир ижодий ходимларимиз сони икки кўлимиз бармоқлари сонидан зўрға ошади, десак ишонверинг)дагилар ўз муассиси ҳисобланган Ўзбекистон Либерал-демократик партияси Сиёсий Кенгаши Ижроия қўмитаси раҳбарияти, қолаверса, сафларидан миллиондан кўпроқ аъзоларни бирлаштирган мамлакатимизда етакчи деган мақомга эга сиёсий кучнинг маънавий ва иқтисодий қўллаб-қувватловидан руҳланиб баҳоли қудрат фаолият юритмоқда.

Йигирма йил! Албатта, дарёга оқиб кетгани йўқ. 2003 йил 15 ноябрда мамлакат сиёсий майдонига кириб келган О'zLiDePнинг ўзига хос кўзгуси сифатида 2004 йил 1 январдан расман чоп этила бошлаган нашрнинг ташкил этилиши, аҳил ижодий жамоани шакллантириш осон кечмаган. Шу маънода бугун “XXI asr” сиёсий-ижтимоий газетасида ана шу муддат оралиғида беминнат хизмат қилган устозлар, ҳамкасблар номларини эсламоққа бурчлимиз.



Эркин ХОЛМАТОВ,
О'zLiDeP Жиззах вилоят кенгаши раиси, Халқ депутатлари Жиззах вилоят кенгашидаги О'zLiDeP депутатлик гуруҳи раҳбари

ҚАЛАМИНГИЗ СИНМАСИН, ҚАДРДОНЛАР!

Байрамлар байрамларга улашиб кетаётгани рост бўлсин. Яқиндагина Ўзбекистон Либерал-демократик партияси ташкил топганининг 20 йиллик айёмини нишонлаган эдик. Нафақат партиянинг шонли йигирма йиллик сиёсий фаолияти, балки мамлакатимизда сўнгги ўн йилликларда ижтимоий-сиёсий, иқтисодий соҳаларда амалга оширилган тарихий ўзгаришлар билан танишмоқни истаган киши, албатта, О'zLiDePнинг бош наشري бўлган “XXI asr” газетаси тахлamlарини бир варақлаб чиқса кифоя бўлади, деб ўйлайман. Чунки хоҳлаймизми, йўқми, бу нашр яқин ўтмишимизнинг ҳақиқий солномаларидан бирига айланган, десам, муболага бўлмайди.

Ҳеч эсимдан чиқмайди, газетанинг илк нишона ва қалдирғоч сони етиб келганида нафақат мен, партия фаоллари, балки кенг жамоатчилик орасида қўлма-қўл бўлиб ўқилган. Ўша даврларда бу газета босмадан чиққанидан сўнг, зум ўтмай уни ҳатто газета дўконларидан ҳам топишининг иложи бўлмай қоларди. Чунки ўзига хос услуб, замонавий дизайнга эга газета республикамизда чиқадиган оз сонли рангли нашрлардан бири эди-да.

Газетанинг ахборот маконида ўз ўрни, ўз муштарийларини топишида унда меҳнат қилган кўп сонли ижодкорларнинг меҳнати катта бўлгани шубҳасиз. О'zLiDeP ғояларини, фаолиятини кенг жамоатчиликка етказибгина қолмай, балки мамлакатимизда кечаётган ислохотлар жараёни, унда кўзга ташланаётган муаммо ва камчиликларни дадиллик билан кенг жамоатчилик эътиборига олиб чиқиш, ечим топишга интилиш газета таҳририятида ишлайдиган қаламкашларнинг ҳаётий қоидаларидан бирига айлангани айниқса қувонарли.

Сўнгги йилларда ОАВга берилётган эътибор, жамиятимизда тобора чуқурроқ ўрин олаётган очиклик, ошкоралик сиёсати сабаб газетамиз минглаб юрдошларимизнинг сеvimли ҳамроҳига айланди. Унинг саҳифаларида берилётган материаллар турли соҳаларга оидлиги, фақат партия фаолияти билан чекланиб қолмай, интернет манбаларида учрамайдиган, фақат “XXI asr” газетасидагина ўқиш мумкин бўлган адабиёт, маданият, спорт, тарих, халқаро соҳаларга оид долзарб мақолаларнинг чоп этилаётгани, журналистларимизнинг дадиллик билан муаммо ва камчиликларни рўйи рост очиб беришга тани, таҳлилнинг устунлиги нашримизнинг энг устун томонларидан, деб биламан.

Шундай шукўху онларда таҳририят ижодий жамоасини ушбу қутлуғ сана билан чин юракдан табриклайман. Қаламингиз ҳеч қачон синмасин, азизлар!



сасаларига, ўқитувчи-профессорларга етказиб бериш ҳам жиддий муаммога айланган. Чунки бу борада матбуот тарқатиш ва почта тизимининг фаолияти мутлақо талабга жавоб бермайди”, – дея ошқора таъкидлаган эди.

Ўйлаймизки, бугун ҳам бу долзарб масала давлатимиз, ҳукуматимиз эътиборида экани ўтган йилнинг 22 декабрида Президентимиз раислигида бўлиб ўтган Республика Маънавият ва маърифат кенгаши йиғилишида яна бир бор қайд этилди.

Катта авлод яхши эслайди: яқин-яқингача ҳам мактабларда таҳсил олаётган ёшлардан катта бўлсанг ким бўласан, деб сўралса, биринчи навбатда муҳбир ё журналист бўлман, деган жавобларни эшитардик. Соҳа вакиллари, сир эмас, ўша замонларда одамларнинг дардига дармон бўлгувчи мавзуларни дадил кўтариб чиқар, қанчадан қанча муаммолар газета-журналларимиз саҳифасига асосли тарзда олиб чиқилса, масъул идорау раҳбарлар томонидан тегишли тартибда чора-тадбирлар кўрилар, айбдорлар қонуний жазоланарди. Бугун-чи? Тўғри, замон ўзгарди, одамлар ҳам кенчагидек томошатаалаб эмас. Ўз ҳақ-ҳуқуқини қандай талаб қилишни яхши билади. Бироқ оқни оқ, қорани қора дейиш эрмакка айланма кетди очиги. Нега шундай бўлди? Афсуски, бу аламли савол қаршида кўпчилигимиз ожиз қолаётганимиз ҳам рост. Чунки СЎЗнинг қадри пасайди. **ТАНҚИД**ни манфаат деб талқин қиладиган тоифалар кўпайди. Ё ёлғонми? Узоққа бормайлик, ижтимоий тармоқларни кузатинг: ҳозир инсоннинг кадр-қиммати, шаъни, ор-номуси, ҳақ-ҳуқуқи шу қадар ерга уриляптики, ана шундай ғаразли, чиркин, тубанликка ўралган чиқишлар (постми, подкастми, бошқа бир нарсами, билмадик, булар сизу биз ўқиган журналистиканинг бирор бир жанригаям тўғри келмайди)ни кўриб, ўқиб, ҳатто ушлашга ёқа топилмаётир. Шуми энди сўз эркинлиги? Бу аҳволда демократия дегани қайси ўзанга қараб кетаётганини ким башорат қила олади? Энг ёмони, интернетнинг турли саҳифалари (сайтлар, ютуб, инстаграм, телеграм, фейсбукларда бир юмалаб, “журналист” ё “муҳбир”, “блогер” ё “эркин ижодкор” ясаб олган айрим тоифа вакилларининг ҳозирги кулгили

батафсил тўхталдик? Умуман журналист, ижодкор, қаламкаш қавмига дахлдор шундай ҳалол инсонлар борки, улар СЎЗ аталмиш муқаддас тушунча олдида бош эгади, истиҳола қилади. Касбига ёлғон аралаштирмайди. Соҳага тасодифан келиб қолганлар бундан мустасно албатта. Қайсидир тарафнинг ноғорасига ҳеч қачон ўйнамайди. Ҳозирам ана Ҳақиқат аталмиш тарози палласини тенг ушлаб турганлар бу жабҳада кам эмас. Фақат улар бугунги баъзи интернетбозлардан фарқли ўлароқ, иймонини, виждонини сотмайди.

Хўп, айтинг унда, шу вақтгача қайси босма нашрда чоп этилган асосли танқидий мақоласи учун судга тортилган ё бошқа органлар тарафидан таъқиб қилинган журналистлар борми? Биламиз, ўзларини “ҳақиқатпарастман” дея даъво қилаётганлар ҳам йўқ эмас орамизда. Лекин, минг афсуски, бундайлар журналистика деган машаққатли, заҳматталаб соҳадан анча йироқда эканини ўзи ҳам яхши билади. Фақат тан олгиси келмайди холос.

Энди танганинг иккинчи тарафини қарайлик: ОАВга дахлдор бўлмаган бошқа бир тоифа вакиллари орасидан нечаси кейинги йилларда жазоланди? Рақамларни ошкор қилиш шарт эмас. Нима, уларнинг ҳаммаси айримлар ўйлаганидек, оппоқмиди ё ноҳақ қамалиб кетдимми? Қонун барчага баробар. Шамол бўлмаса ҳеч замонда дарахтнинг учи қимирлаганими, ким айтади? Тўғри, ҳуқуқни муҳофаза қилиш идоралари фаолияти юз фоиз шаффоф деган хулосани айтмоқдан тийиламиз. Лекин ўз қиёфамиз, ичимиз ва ташиимизни кўзгуга солиб кўрайлик. Ана шундагина сўз ва қаламга нақадар содиқлигимиз аён бўлади.

Хуллас, битта сиёсий партия нашрининг йигирма йиллиги баҳонасида **ЖУРНАЛИСТИКА** деб аталмиш жуда оғир ва масъулиятли соҳага оид юрагимиз тубида, тилимиз учидан турган шунча катта-кичик дарду долзарб ҳаётий мавзуларни ўртага ташлаётганимиз бежиз эмас. Боиси, йил бошида шунча вақтдан бери биз билан ҳамроҳ бўлиб келаётган содиқ ўқувчиларимиз олдида ҳисобдоримиз. Биламиз, ҳар доим ҳам уларнинг кўнгилларига малҳам бўллоймиш, энг керакли дама ёнига боришга кўрбимиз етмайпти. Бунинг ўзига яраша сабаблари

“Ўзбек адабиётида муносиб из қолдирган Ўзбекистон халқ шоири Ҳалима Худойбердиева, Ўзбекистон халқ ёзувчиси Тоҳир Малик шу муътабар даргоҳда бир муддат фаолият юритгани ҳам тарихий воқеа. Уларнинг доно панд-насиҳатлари, журналистикамиздаги маҳорат сабоқлари ҳали-ҳали эсимда турибди. Айниқса, ёш қаламкашлар газетамиз учун бирор нарса қораласа ана шу икки улғу устоз қандай қабул қилар экан, деган ҳадиқ билан юрак ҳовучлаб туришарди. Ёки Ўзбекистонда хизмат кўрсатган маданият ходимлари Тоҳир Мирҳодиев, Абдуқайом Йўлдошев, Ўзбекистонда хизмат кўрсатган журналист Янгибой Қўчқоров, шунингдек, таниқли журналистлардан Носир Тошев, Темур Абдурахмонов, Зиёдулла Мўминов... Бу рўйхатни яна давом эттиришим мумкин” – дейди нашримизнинг илк бош муҳаррири, айна пайтда “Миллий тикланиш” газетаси бошчиси Миродил Абдурахмонов.

Дарвоқе, бугун, йил аввалида газетамиз босиб ўтган мураккаб ва шарафли йўлларга бир қур назар ташладик. Олдинда эса янада залворли ва машаққатли доволар турибди. Яхшиликда кўришгунча, азизлар!



Норқобил ЖАЛИЛОВ,
“XXI asr” ижтимоий-сиёсий газетаси бош муҳаррири, Ўзбекистонда хизмат кўрсатган журналист

XXI ASR SHARHI

ЙИЛ БОШИДАГИ ЎЙЛАР: ЯНГИ ЎЗБЕКИСТОН ОРЗУСИ ҲАҚИҚАТГА АЙЛАНМОҚДА

◀◀ Бошланиши 1-саҳифада.

...Биргаликдаги меҳнатимиз туфайли Янги Ўзбекистон орзуси реал ҳақиқатга айланмоқда. Барча эришган ютуқларимиз учун сиз, азиз ватандошларимга чин дилдан миннатдорлик билдираман".

Президент кириб келган 2024 йилни мамлакатимизда "Ёшлар ва бизнесни қўллаб-қувватлаш йили", деб эълон қилди. Янги йилда иқтисодийимизга хорижий инвестицияларни жалб этиш, тадбиркорлик ва хусусий мулк учун кенг имкониятлар янада кучайтирилиши, илм-фан, инновация, IT каби соҳаларни, "яшил" ва рақамли технологияларни ривожлантиришга алоҳида эътибор қаратилишини таъкидлади.

Бу эса сиз ва бизнинг маслақдошларимиз – Ўзбекистон Либерал-демократик партиясининг кўп минг сонли аъзолари ва тарафдорлари учун айна мудоадир. **Зотан, электроратнинг салмоқли қисмини бизнес вакиллари ташкил этадиган сиёсий кучнинг дастурида давлат раҳбари тилга олган масалалар бўйича ислохотларни изчил давом эттириш долзарб вазифалар сирасига киритилган.** Ана шу муҳим вазифаларни амалга ошириш партия мутасаддиларига улкан масъулият юклайди.

Ислохотлар муваффақияти учун жавабгарликни зиммасига олган O'zLiDeP янги иш ўринлари ташкил этиш, аҳоли даромадларини ошириш, иш ҳақи, пенсия, стипендия ва нафақалар миқдорини кўпайтириш, хотин-қизлар ва ёшларни, ёрдамга муҳтож инсонларни қўллаб-қувватлаш орқалигина сайловчи ишончини оқлай олади.

Янги йилга берилган ном ва партиявий лойиҳаларнинг моҳияти хусусида чуқурроқ ўйлаб кўрган киши ёшларни қўллаб-қувватлаш ёхуд бизнесни жадал ривожлантиришда инвестициянинг тугган ўрнини, тадбиркорлик тараққиёти энергетика таъминоти билан бевосита боғлиқлигини дарров тушунади. Сармояни қайси йўналишга, қай шаклда етказиш юзасидан бosh қотира бошлайди.

Шу жиҳатда президентлик фаолиятининг дастлабки кунлариданоқ жиддий эътибор қаратиб келаётган Шавкат Мирзиёев янги йилдаги биринчи иш кунини инвестиция сиёсатини амалга ошириш ҳамда энергетика тизимида қайта тикланувчи энергия қувватлари улушини кўпайтириш бўйича 2023 йилда қилинган ишлар ва 2024 йилга мўлжалланган режалар тақдими билан танишишга бағишлагани ҳам бежиз эмас.

Ўтган йил якуни билан жами 22 миллиард доллардан зиёд хорижий инвестициялар ўзлаштирилгани, бу аввалги йилга нисбатан 1,8 баробар кўплиги эътироф этилган мулоқотда жорий йилда хорижий инвестициялар ҳажмини янада кўпайтириш зарурлиги қайд этилди. Бунда асосий эътиборни электротехника, машинасозлик, қурилиш материаллари, фармацевтика, тўқимачилик ва чарм тармоқларига қаратиш вазифаси топширилди.

Янги инвестиция лойиҳаларини амалга оширишда худудлардаги махсус зоналардан ҳамда sanoat коопераци-



яси имкониятларидан кенг фойдаланиш орқали қўшилган қиймат занжирини яратиш зарурлиги кўрсатиб ўтилди. Тармоқ ва худудлар раҳбарлари инвестиция масалаларини ҳал этишда sanoat тармоқлари билан яқиндан ишлаши шартлиги таъкидланди.

O'zLiDePнинг фаол электрорати саналган қўллаб-қувватлаш ўз фаолиятида "яшил" энергетикани ривожлантиришни кўзлаётгани диққатга сазовор, албатта. Бугунги кунда юртимизда қуёш, шамол ва гибрид турдаги электр станцияларни давлат-хусусий шериклик асосида барпо этиш бўйича умумий қуввати 6,3 гигаватт бўлган 28 та лойиҳа доирасида иш олиб борилаётгани уларга қўшимча рағбат бўлиши табиий. Шундан 2023 йилда хорижий инвесторлар билан биргаликда умумий қуввати 2,6 гигаваттлик 7 та лойиҳа доирасида дастлабки қувватлар ишга туширилгани янада қувонарли. Хусусан, ўтган йил 27 декабрь куни давлатимиз раҳбари иштирокида ўтган маросимда Самарқанд, Жиззах, Сурхондарё, Бухоро ва Қашқадарё вилоятларида бешта қуёш фотоэлектр станцияси, Навоий вилоятида шамол электр станцияси қувватлари тармоққа уланди.

Бундан ташқари, айна пайтда Саудия Арабистони, Бирлашган Араб Амириклари, Хитой, Франция ва Швейцария каби мамлакатларнинг компаниялари билан ҳамкорликда "яшил" станциялар ва энергия сақлаш тизимларини барпо этиш бўйича 12 лойиҳа устида иш олиб бориламоқда.

2024 йилда қуёш электр станцияларининг умумий қуввати 2,6 гигаваттга, шамол электр станциялари қуввати 900 мегаваттга етказиш ва 400 мегаваттлик энергия сақлаш қурилмаларини ишга тушириш режалаштирилган.

– Янги йилга берилган номга яна бир бор эътиборингизни қаратмоқчиман, – дейди **Олий Мажлис Қонунчилик палатаси депутати, O'zLiDeP фракцияси аъзоси Қахрамон Эргашев.** – Ёшлар эртасига дахлдор жиҳатлар янгиланган Конституциямизда алоҳида муҳрлаб қўйилди. Давлат ёшларнинг шахсий, сиёсий, иқтисодий, ижтимоий, маданий, экологик ҳуқуқлари ҳимоя қилинишини таъминлаши кафолатланди. Уларнинг жамият ва давлат ҳаётида фаол иштирок этиши рағбатлантирилади. Шунингдек, ёшларимизнинг интеллектуал, иждоий, жисмоний ва ахлоқий жиҳатдан шаклланиши ҳамда ривожланиши учун, уларнинг таълим олишга, соғлигини сақлашга, уй-жойга, ишга жойлаштиришга, бандлик ва дам олишга бўлган ҳуқуқларини амалга ошириш учун шарт-шароитлар яратиш аниқ белгиланган. Бизнесни қўллаб-қувватлаш борасида ҳам Асосий қонунимизда алоҳида моддалар мавжуд. Бу юртимизда олиб борилаётган ислохотлар бардавомлигини, узқони кўзлаб олиб борилаётган хайрли ишлар ўзининг юксак натижаларини беришини аниқлатади.

Фаол депутатимизнинг гапида жон бор. Дарҳақиқат, Бош қомусимизда фуқаролар фаровонлигини оширишга қаратилган **Ўзбекистон иқтисодийотининг негизини хил-**

ма-хил шакллардаги мулк ташкил этиши келтирилган. Хужжатда давлат бозор муносабатларини ривожлантириш ва ҳалол рақобат учун шарт-шароитлар яратиши, истеъмолчиларнинг ҳуқуқлари устуворлигини ҳисобга олган ҳолда иқтисодий фаолият, тадбиркорлик ва меҳнат қилиш эркинлигини кафолатлаши қайд этилган.

Бошқача айтганда, Конституция ҳаётимизга тўғридан-тўғри таъсир кўрсата бошлади. Модомики, умумхалқ референдуми пайтида айна шу маррага эришини ўз олдимизга мақсад қилиб қўйгандик. "Ўзбекистон – 2030" стратегиясининг асосий ғоялари сирасида барқарор иқтисодий ўсиш орқали даромади ўртачадан юқори бўлган давлатлар қаторидан ўрин олиш масаласи киритилгани ҳам юқоридagi фикримиз далили бўлиши мумкин.

– Президентимизнинг байрам табриги ва 2024 йилга берилган номнинг мазмун-моҳиятида мамлакатимиздаги ислохотларнинг узвий давомини кўрдик, – дейди **O'zLiDeP Жиззах вилоят кенгаши раисининг биринчи ўринбосари, аппарат раҳбари Шерзод Маматқуллов.** – Зотан, юртимизда тадбиркорларга кенг имконият ва имтиёзлар берилмоқда. Бу эса партиявий лойиҳаларимизни янада кенгроқ қамровда амалга оширишга, электроратга том маъно тиргак бўлишга ундайди.

Мақтабда узоқ йиллар сабоқ берган муаллимларимдан бири турли тадбирлар муносабати билан дил изхори баён этганида куйидаги гапни, албатта, қўйиб қўярди: **"Элда ҳеч қачон йиғи эшитилмасин. Агар эшитилса ҳам у фақат чақалоқ йиғиси, ёруғ дунёга келганини маълум қилаётган гўдақ йиғиси бўлсин".**

Хуллас, Ватанимизда янги йилнинг биринчи суткасида кўнгилларга олам-олам қувонч улашган йиғи 1 859 марта эшитилди. Шундан 1012 таси ўғил болаларнинг, 847 таси қизалоқларнинг йиғиси. Худудлар кесимида энг кўп йиғи Қашқадарёда эшитилди – 207.

Учинчи Ренессансга пойдевор қўйиб, Янги Ўзбекистон орзуси ҳақиқатга айланган юртимиз аҳли бир кунда қарийб икки минг нафарга кўпайди. Улар насиб этса Ҳалоллик вакцинасида "эмланиб", миллий ва замонавий талаблар ўйғунлашган мактабларда таълим-тарбия олади, деган умиддамиз. Нафақат ота-онанинг, балки бутун халқимизнинг таянчи ва суянчи бўлиб камолга етишини Яратгандан сўрайлик. 2023 йилда 66 миллионга ортиб, жами 8 миллиарддан ошган Ер сайёраси аҳолиси орасида ўз ўрнига, ўз сўзига, ўз позициясига эга бўлади.

Ўзбекистон Либерал-демократик партияси эса ана шу кутлуғ жараёнга муносиб янги-янги ғояларни илгари суриб, истиқболли лойиҳаларни амалга ошираверади...

Озод РАҲАБОВ,
"XXI asr" шарҳловчиси

ДЕПУТАТНИНГ БИР КУНИ



Абдуазиз АБДУРАЗЗОҚОВ,
Халқ депутатлари Шайхонтоҳур туман кенгаши депутати,
O'zLiDeP аъзоси



Наргиза САЛОМОВА,
Яккабоғ туманидаги "SITORA
IMKON PLYUS" нодавлат таълим
муассасаси раҳбари, туман кенгаши депутати

БИЛИМДОН ВА ИҚТИДОРЛИ ЁШЛАР ВАТАН ЭГАЛАРИДИР

БОЛАЛИККА ҚАЙТГАН КУНЛАРИМ

МЕХР ВА ЭЪТИБОР ИНСОННИ ЯШНАТАДИ, ЯШАШГА УНДАЙДИ!
ШУ БОИС ҚЎЛИМИЗДАН КЕЛСА
ЯҚИНЛАРИМИЗДАН, ЁШ БОЛАЛАР,
КЕКСАЛАР, ЁЛГИЗЛАРДАН ЭЪТИБОРИМИЗНИ
ДАРИФ ТУТМАЙЛИК. УЛАРНИ ЙЎҚЛАБ,
ҲОЛИДАН ХАБАР ОЛИБ ТУРАЙЛИК. БУ ҲАР
БИРИМИЗНИНГ ИНСОННИЛИК БУРЧИМИЗДИР.
АЙНИҚСА, БАЙРАМ КУНЛАРИДА!

Шайхонтоҳур туманидаги 321-махсус ихтисослаштирилган мактабгача таълим муассасасига боришдан мақсадимиз ҳам шу эди. Янги йил олдида бу ерда тарбияланаётган болалар билан бирга байрамни нишонлаш ва уларга совға-саломлар улашиб, дилларини шод этишни ният қилган эдик.

Ниятимиз ижобат бўлди. Туман ҳокимининг ўринбосари Н. Холиқов, "Инсон" ижтимоий хизматлар маркази раҳбари Қ. Хусанов билан бирга ушбу муассаса тарбияланувчилари ҳолидан хабар олдик ва улар учун кичик байрам тадбири ташкиллаштирдик. Кичиктойларга ҳадялар улашганимизда уларнинг кўзларидаги қувончни кўриб ўзимиз ҳам болаликка қайтдик, кўнглимиз равшан тортиди. Улар билан бирга эртақлар оламига шўнғидик, узоқ йиллардан келган Қорбобо ва Қорқизнинг сарғузаштларини тингладик. Ялмоғизнинг ҳийласидан биргаликда кутулдик. Хуллас, болаликка, эртақлар оламига киргингиз келса, сиз ҳам беғуборлар ёнига борингиз.

ПРЕЗИДЕНТИМИЗ ТОМОНИДАН 2024 ЙИЛ МАМЛАКАТИМИЗДА "ЁШЛАР ВА БИЗНЕСНИ ҚЎЛЛАБ-ҚУВВАТЛАШ ЙИЛИ" ДЕБ ЭЪЛОН ҚИЛИНИШИ ЯНГИ ҲАЁТНИ, ЯНГИ ЎЗБЕКИСТОННИ БАРПО ЭТИШ УЧУН БОР КУЧ ВА ИМКОНИЯТЛАР ТУЛИҚ САФАРБАР ЭТИЛАЁТганини ЯНА БИР ТАСДИҚИДИР. ЖОРИЙ ЙИЛДА ИНСОН ҚАДРИНИ УЛУГЛАШ, АҲОЛИ МАНФААТЛАРИНИ ТАЪМИНЛАШ, КУЧЛИ ИҚТИСОДИЁТНИ ШАҚЛЛАНТИРИШ АСОСИЙ ВАЗИФА СИФАТИДА ЭЪТИРОФ ЭТИЛМОҚДА.

Давлатимиз раҳбари таъкидлаганидек, ёшларнинг сифатли таълим ва тарбия олиб, баркамол инсонлар бўлиб улғайишлари, уларнинг ташаббус ва ғояларини қўллаб-қувватлаш, халқаро майдонларда истеъдод ва маҳоратини намоён этиб, Ватанимизни дунёга танитишга кўмаклашишга алоҳида аҳамият қаратилади.

Партия дастурий мақсадларини тенгқурларим ўртасида таъриф қилиш асносида англаб етдимки, уйда ўтирган, ишсиз ёшлар, афсуски, ораимизда кам эмас. Уларнинг бандлигини таъминлаш борасида тинимсиз изландим. Партиявий лойиҳаларда қатнашиб, соҳадаги янгиликлардан бохабар бўлган, тадбиркор бўлишга аҳд қилдим. Фаолиятимни йўлга қўйишда менга партия лойиҳала-

ри яқиндан ёрдам берганини эътироф этишим лозим. Чунки кўрик-танловларда кузатувчи сифатида қатнашиб, воҳанинг таниқли ишбилармонлари билан танишиб, билим ва тажрибамни оширдим. Ниҳоят, 2010 йилга келиб қалбадаги орзуларим ижобат бўлди. Яккабоғ туманидаги "SITORA IMKON PLYUS" нодавлат таълим муассасасига асос солдим. Дастлабки йилларда чеккан азобларимни айтсам, ҳеч ким ишонмади. У пайтлар тадбиркор учун бугунги кундагидек имтиёз ва эркинликлар йўқ эди-да. Қўйналган кезларимда партияимиз доимо кўмак берди, ҳимоя қилди.

Ўтган ўн тўрт йил мобайнида нодавлат таълим муассасамизда 21 мингдан ортиқ ёшлар 18 дан ортиқ йўналишлар бўйича тадбиркорликка оид касбий малакаларини ошириб, туманимиз, вилоят ва республикамизнинг турли худудларида хизмат кўрсатиш соҳасида ўз фаолиятини йўлга қўйишди. Воҳада кадрлар малакасини ошириш, қайта тайёрлаш орқали ёш қизларнинг бандлигини таъминлаш мақсадида энг чекка қишлоқларда яшовчиларга тикувчилик, каштачилик, зардўзлик, тўқувчилик, пазандачилик, уй ҳамшираси, компьютер саводхонлиги, замонавий пардалар тикиш, гиламчилик, сартарошлик ва шунга ўхшаш бир қанча касб-хунарларни ўргатиб келмоқдаман. Кам даромадли оила аъзолари, имконияти чекланган,

боқувчисини йўқотган ёшларга бепул касб-хунар ўргатишни йўлга қўйганимиз. Кейинчалик "Аслзода" гузаллик саломи ва тикув чеҳи ташкил этиб, 36 нафар ёшни доимий иш билан таъминладим. Уларнинг ҳаётига мазмун киритганим, эртанги кунига иштиёқ уйғота олганимдан беҳад бахтиёрман.

Яккабоғ туманида яшовчи "Аёллар дафтари"га киритилган 100 нафар, "Ёшлар дафтари"га киритилган 200 нафар ишсиз фуқарога касб-хунар ўргатдик. Муассасамизда "Аёллар дафтари"даги 15 нафар, "Ёшлар дафтари"даги 5 нафар ёш доимий иш билан таъминланган.

Халқ депутатлари Яккабоғ тумани кенгаши депутати сифатида сайлов округидаги фуқароларнинг муносабатлари асосида худуддаги муаммоларни ижобий ҳал этиш борасида амалий ишлар қилмоқдаман.

"Ёшлар ва бизнесни қўллаб-қувватлаш йили" янада самарали ва манфаатли, Ўзбекистонимизнинг жаҳон ҳамжамиятидаги обрў-эътиборини янада юксалтириш, тинчлик ва барқарорлик, миллатлар ва динлараро тотувликни таъминлаш, ҳар бир инсон жамиятимиз ва давлатимизнинг меҳри ва ардоғида бўладиган йил бўлади. Ишонманки, унга ҳамоҳанг тарзда партияимизнинг ҳаётбахш дастурлари юрт равнақи, эл фаровонлигига хизмат қилаверади.

ТААССУФ

БИР КУН Е... БИР ЙИЛ ЯША!

Янги йил киришидан бир кун олдин, яъни 30 декабрда қўшимизнинг аёли Бехосдан ўтиб қолди. Тушга яқин сўнгги манзилга кузатдик. Йил аввалида худойиси бўлди.

Қўшничилик – маъракада азадорлар қаторида ўтирдим. Таъзия билдирмоққа келаётганлар унчалик кўпмасди. Одатда, гарчи элатимиз кичик ва чек-кароқда бўлса-да, бундай маросимларга келувчилар кўп бўларди.

Бунинг асл сабабини кекса бир ҳамсоғамиз ўзича тахминлади: “Кеча, билсанглар, Янги йилни кутаман деб ҳамма одам тонготаргача еб-ичган, яна камига анави куриб кетгур пақилдоқлар уйку бермаган”...

Кўпни кўрган отахон, афсуски, ҳақ эди: бу алам-ли сўзларни надомат билан гапираётгани бежизмасди.

Азадорнинг амакиларидан бири гапга қўшилди: “Икки кунда бир ойлик тушум бўлди. Хоҳ ишонинглар, хоҳ ишонманглар, қиёмат қойим бўладигандек, одамларимиз дўконларни шип-шийдон қилиб кетишди. 30 декабрда уйимизга ҳам келолмадим. Урганчдаги чакана савдо дўконига бозори чаққон товарларни олиб келиш учун уч марта бориб келдим...”

Дўкончи йигитнинг мақтаниш учун айтган сўзларини бошқа бир қариндоши бўлди: “Шунга жаназадаям кўринмапсан-да?” Ўзича байрам баҳонасида мўмайгина пул топгани учун мақтанаётган дўкондор ҳалиги кинояли сўровни эшитиб, тилини тишлади...

Хуллас, мавзу ўз-ўзидан Янги йил байрами кунни бўладиган исрофгарчилиги оворагарчиликларга бурилди. “Келиним чучвара қиламиз, деганди. Қишлоқ марказидаги қассобхонага тайёр қийма олишга борсам, айтсам, ишонмайсизлар, бирор элик одам навбатда турибди. Чучвара емасак-емабмиз-да, деб изимга қайтдим. Одамларни айтаман, номи дўкон бўлса тамом, тиқилиб олишган, нима қўлига илинса, нархини сўрамай, таллашиб-тортишиб олишяпти. Бирор киши ўша маҳсулотнинг муддати ўтганми-йўқми, сўрагани ҳам йўқ. Ёқангни ушлайсан холос”, дейди қўшни қишлоқлик қария.

“Мен Ҳазорасп бозорига бордим. Қадимда оталаримиз бозордан олингани барокатли келади, дер эди. Тавба қилдим, жони бор банданинг бари ўзини бозорга урган. На машинани қўйишга жой бор, на оломон орасидан бир қадам олдга юриб бўлади. Бозорга киролмай қайтдим”, дея куйилади яна бир табишим.

“Оқшом байрам билан табриклайин деб яқинларимизнинг уйларига бир-бир кириб чиқдим. Учинчи ховлидан чиқиб, тўртинчисига бораётганда мазам қочиб қолди, қон босимим ошиб кетибди. Уйга келиб, дори ичиб ётиб, зўрға ўзимга келдим” дейди кўзлари қизариб кетган ўрта яшар яна бир қўшимиз ёзғириб.

Даврада шу вақтгача бошқаларни жимгина



эшитиб ўтирган шифокор йигит гуруннга қўшилади: “Кеча “тез ёрдам”да навбатчи эдим. Тонггача тиним билмадик. Қайси чақирёққа бормаилик, қон босими ошган, қанд миқдори кўтарилган, ошқозони хуруж қилган ва бошқа хасталиклар безовта қилганларни кинига кириб чиқдик. Муолажа қилаётиб, “Барака топгур, ҳоли-аҳволингизга қараб есангиз бўлмай-

дими?” десак “Э, дўхтиржон, байрамни байрамдай кутиш керак-да!” дейди пинагини ҳам бузмасдан. Бўзига келган жонини ҳам ўйлашмайди аксарият одамлар. Уч одамнинг миясига қон қуйилган, яна уч беморни ярим тунда жонлантириш бўлимига олиб келдик”...

Кўчабоши бўлмиш одамнинг бош чайқаганча айтган гаплари ҳар биримизни сергак торттиради: “Акмал дўкончидан эшитдим, байрамолдиннинг икки кунда нақ қирқ икки миллион сўмлик насия савдо қилибди. Қарз дафтарим тўлиб кетди. Одамларга ҳам ҳайронман, пули етса-етмаса, фарқи йўқ, ўйламайди, кўнгли туссаган нарсани олаверади. Бермасанг, элчилик, бир умр хафа бўлиб юради. Энди қарзларни ундириш учун пенсия келгач, уйма-уй кириб чиқаман-да. Бир кун дастурхон безайман деб қарзга ботишинг нима кераги бор ўзи?”

Мархума ҳақиқа Куръон тиловат қилаётган домла мавзуга нуқта қўяди: “Боболардан қолган отасўзимиз бор ахир – нафси ёмон ҳайитда ўлади”. Мана шу иборани ҳозир Янги йил байрамига нисбатан ишлат-сак бўлади. Фалончи мана бундоқ қилиб дастурхон бебабди, ундан менинг қаерим кам, дея топган-тутганини қарз-ҳавола қилиб бўлса-да, кимўзар ўйнаётганлар кўпайиб кетди бугун. Бундай дабдабаю исрофгарчиликларнинг эртага сўрови борлигини унутиб қўйдик. Муқаддас динимизда ортиқча исрофгарчи-

лик қаттиқ қораланади ва яна “Қўшнингга эмас, ўнги-шинингга қара”, деган гаплар бор!”

Қишлоқдаги оддий бир маъракада бирор соат ўтириб, қулоғимга чалинган гаплар аслида булар.

..Ижтимоий тармоқларда кўзим тушди: эл танийдиган кишилар ҳам уйдаги байрам дастурхони билан роса мақтанди. Баъзи оилаларда егуликлар қўйилган дастурхондаги маҳсулотлар ярим маҳаллани тўйдирди ҳатто.

Яна бир тадбиркор “бир ярим минг долларлик салатлар тўплами”ни мақтаб, реклама қилляпти. Бунча пулга ўрташмиёна оила уч ой тирикчилигини ўтказиши билан иши йўқ бундайларнинг. Бундай мақтанчоқларга “Бой бўлсанг ўзингга, нега бошқалардан устунман, деб кекирдас чўзясан, бу ҳам кибрга қиради-ку?”, дейдиган мард йўқ.

..Ўтган йил куз ойлари бошида қўшни қишлоқ аҳлидан ҳар килосини ўн икки минг сўмдан сотиб олган ноинсоф “тадбиркор”лар айна байрам арафасида ўша узумнинг бир килоси учун 80-120 минг сўм сўраб ўтирганини кўриб, ёқамни ушлагандим. “Инсоф ярим”, дейилмиш ҳикматли сўзларимиз тарих қатларидан қолиб кетганига анча бўлибди.

Инсофини еган савдогар аҳли бир кун ейиш-ичиш бўйича кимўзар пойғасига қўшилганларнинг чўнтақларини қоқлаш учун ушбу байрамни йил бўйи орзиқиб кутиши ҳам бор гап.

Аслида ҳаммасига ўзимиз айбдоримиз. Нафсимиз жоловини тута олмаётганимиз сабаб бўлаётганини тан олгимиз келмайди.

...Кеча пешинга яқин бир юмуш билан кетаётсам, бир қўшимизнинг аёли товоқ-товоқ нималарнидир куркаларига бераётганига кўзим тушди. Қарасам, ортиб қолган турли пишириқ-салатлар, колбаса бўлак-лари...

Энг қизиғи, худди ана шу хонадон эҳтиёжманд оила сифатида “Темир дафтар”да туради...

Кўрпамизга қараб оёқ узатишимиз учун ҳали анча қовун пишиғи борга ўхшайди. Нима дейсиз?

Рўзимбой ҲАСАН,
“XXI asr” мухбири



“URGUT” ЭРКИН ИҚТИСОДИЙ ЗОНАСИ ДИРЕКЦИЯСИ

кириб келган
2024 йил билан

барча юртдошларимизни
табриклайди.

Йил аввалида эски йилда
эришилган ютуқлар сарҳисобини

қилган ҳолда, йўл қўйилган
хато ва камчиликлардан тўғри

хулоса чиқармоқ зарур.

Корхонамиз ҳам ўтган

йилда анча сермахсул ишлади.

Бу йил учун ҳам тузилган

режаларимиз бисёр.

Буларнинг бари халқимиз

фаровонлиги йўлида

қилинаётган ишлардир.

Азиз ватандошлар,

қалбингизда неки эзгу

орзу-ниятлар бўлса,

барчасига эришишингизга

тиладошимиз.



Нурафшон шаҳридаги

“ABLE SURPLUS” МЧЖ

шаклидаги хорижий корхона

барча ўзбекистонликларни янги – 2024 йил билан
табриклаймиз.

Сиҳат-саломатлик, яхши кайфият ва оилавий

хотиржамлик ҳамроҳингиз

бўлишини тилаймиз.



МАШҲУРЛАРНИНГ ФАРЗАНДЛАРИ

Инсоннинг орзулари, келажакда ким бўлиши, ҳаётда муносиб ўрнини эгаллаши, одатда у улғайган муҳитга боғлиқ бўлади. Яхши ота эса фарзандининг кўзлаган манзилига қоқилмай етишида вақт ва имконият имтиёзи. Oyin.uz шундай оталарнинг фарзандларидан ҳар доим ҳам айтилавермайдиган изҳорларини тақдим этади.

оталари ҳақида қандай ҳикоялар сўйлайди?

Баъзан елкаларига чопон ташлаган ҳолда иш столига ўтириб, кечалари билан ижод қилардилар. Отамга ҳавас қилиб, бир куни мен ҳам "ижод"ни бошлаганим эсимда...

Саккиз-тўққиз ёшларда бўлсам керак. Отамнинг ёзув машинкаси устидаги сарғиш қоғозлардан олиб, елкада чопон билан "қисса" ёзганман. Отам ишимни кўриб жилмайган-да, нимагадир уни Дўрмондаги кўшнимиз Набижон Боқийга берган. 3-4 кундан кейин уша пайтлардаги "Ватан" газетасининг иккинчи саҳифасини тўлиқ қамраб олган, тахминан "Номисиз қисса ёхуд ҳаваскор ёзувчи С.А.нинг ёзганлари" деб номланган мақола чиққан. Отам газетани менга туқказганида, аввалига қисса газетанда босилибдими деб хурсанд бўлиб кетганман. Ўқисам, фелъетон экан. "Қатнома"нинг ўзгинаси! Болаликда бошланган "ижод" шу заҳоти яқун толган. Ушанда катталар нима учун бундай кескин йўл тутишганини ҳанузгача билмайман. Набижон акани кейинги кўрганимда сўрарман...

"Бадий ижод" кўлдан келмагач, университетда илмий мақола ёзишга ҳаракат қилдим. Уларни отамга кўрсатганимда, оппоқ қоғозни қоп-қора қилиб қайтариб берардилар. Шундай пайтларда отамнинг қанчалик профессионалигига ҳар сафар қойил қолган рост.

Ёзиб-ёзавериб, бугун, мана, фан доктори

беринг-чи, бу китоб нима ҳақида экан?.." Кейин мен тўлиб-тошиб, завқ билан образларим ҳақида сўзлаб берардим. Дадам хизмат сафарига кетсалар қайтишларини кутардим. Чунки ўқиган китобларим ҳақида гапириб, олқиш олишга ўрганиб қолгандим. 11 ёшимда сиёсат ҳақида гаплашадиган бўлдим. 15 ёшларимда давлат бошқаруви ҳақида китоблар мутлааси бошланди. Дадамнинг бир одалари бор эди. Ҳар маошларининг 5-10 фоизига китоб олиб келардилар. Қизиғи эса улар оилқандан оилқакча ўқилиши керак эди. Ва шундай бўларди ҳам. Мени илм билан дўст қилган инсон дадам бўладилар.

Бир ҳақиқатни бугун аниқ биламан: фарзанд тарбиясида отанинг ўрни беқийс. "Мен сенга ишонаман!". Шу биргина гап мени доим ҳаракатга келтирган. Ўзимни қийнаб илм олишга мажбурлаган. Машаққатларга дуч келган пайтларим бўлди. Докторлик ишим ҳимоясида турли кутилмаган ҳолатларга дуч келдим. "Етади, илм қилмайман!", деган фикр хаёдан ўтган кунларим ҳам бўлди. Шундай пайтларда ягона инсон – дадам менга мотивация бердилар. Ўтирганимда юришга, юрганимда югуришга ундадилар. "Синмаслигинг, синдирилмасликлари керак, ҳақиқий қилич оловда тобланади", дердилар қатъий. Шу гаплар мени янада кучли, сабрли, матонатли қилди. Бугун ҳар бир ота ўз фарзандининг

лари содда, айна пайтда ўткир, нишонга аниқ етиб борувчи эди.

Эсимни танибманки, отам эрталабдан кечгача ишда бўлар, турли расмий ва норасмий тадбирларда иштирок этар, қаерда бўлмасин, Аллоҳни танитиш йўлида жон куйдиради, исломий хулққа, одоб-ахлоқ қоидаларига жиддий эътибор қаратар эдилар. Ишдан чарчаб келганларига қарамасдан, оиламиз даврасига ҳар биримизга алоҳида меҳр кўрсатишга улгурардилар. Ота-она ҳаққини ўрнига қўяр, фарзандларга алоҳида эътибор қаратиб, невараларни сўйиб, эр-калар эдилар.

Ҳа, у киши шундай меҳрибон, болажон эдилар. Бирортамиз хасталансак, ўзлари бе-мор бўлгандек, эрталабгача бетақат бўлардилар. Ҳаммани китобхонликка даъват қилар, дунё ва охират саодатини китобда, маърифатда деб билгани боис бизни ҳам ҳаммаша мутлоага ундар, доим кўлларига қандайдир китоб билан уйга кириб келардилар. Уйимиздан меҳмон аримасди. Сўхбатларини олиш учун келган муҳлис-у шоғирдлар, бирор масала сўраб ё қандайдир тадбирга тақлиф этиб келган нотаниш ёки шунчаки зиёрат учун ташриф буюрган кишилар кундалик меҳмонларимиз бўларди. Отам имконияти даражасида ҳаммаларининг ҳожатларини чиқарар, ҳеч кимнинг кўнглини қолдирмасликка ҳаракат

айтиши мумкин. Уша кунийёк мен ҳакамликни йиғиштираман!" деган. Ушанда бу баёнот катта шов-шувга сабаб бўлган ва кўпчилик унинг ниҳоясини кутган. Лекин бирор киши бундай айблов билан чиқмаган, аксинча, "Биз бир неча бор тақлиф қилганмиз, лекин Ахбор акадан ҳар сафар қаттиқ гап эшитганмиз" дегу-чилар чиққан.

Ушанда отамдан бошқача ғурурланган эдим...

ДАВРОНОВ ТЕМУР ХУРШИД ЎҒЛИ:

Болаликда тўлиқ англаб-англамай, аммо юрагимни қаттиқ ҳаяжонга солган нарсаси – бу отамнинг китоб ёзиши бўлган. Китобга бўлган меҳрим ҳам отамдан ўтган бўлса керак. Мактабнинг бошланғич синфларида эқиб юргандан бошлаб отам дўконлардан аввал ёшимга, кейин қизиқишимга мос китоблар олиб келарди. Фантастик асарлар орқали инглиз тилини ўрганиш гоёси ҳам отамники эди. Бу йўналишни беҳад севганим учун Жон Роналд Руэл Толкин китобларининг инглиз тилидаги нашрларини аллақерлардан топиб олиб келардилар. Телевизор олдида ўтказиб, инглиз тилини

САЪДИНОВ ЖАЛОЛИДДИН МАҲМУД ЎҒЛИ:

Мен ҳаётимни икки қисмга бўламан: отам бор вақтлар ва ундан кейинги давр. Уйлаб кўрсам, отам ҳаётлигида ҳали улғаймаган эканман. Ўттиздан ошган, тўрт фарзанднинг отаси бўлсам ҳам... Отам вафотидан кейин сездимки, дунё аслида иккига бўлинган экан: отам яратган оила муҳити – падарим қарашларидан пайдо бўлган, менга таъсир қиладиган ракурсдаги дунё ва реал дунё. Тушунмасим, яъни ҳаётнинг қарашларини иккига ажратсам бўлади: олдинлари мен узокда бўламанми ёки ўқишда, ишда, тадбиркорлик фаолиятимдами – фарқи йўқ, орқамда отам борлигини ҳис қилиб тургандаги тириклик ва отам вафотидан кейинги ростоқасим ҳаёт ҳамда унга бўлган муносабат. Уйласам, отам борлигида бутун дунёқарашимда уларнинг таъсири бўлган экан. Ҳолбуки, тарбияда бирор амалга мажбурлаш бўлмаган, хатойим учун ҳам калтак ейиш у ёқда турсин, сўқиш ҳам эшитмаганман. Қаттиққўллик қилмаганлар. Ўзбек оиласи учун уникал ҳолат-а? Отам тарбияни, айтилик, ҳалолликни ўзларининг хатти-ҳаракатлари орқали, намуна кўрсатиб олиб борганлар.

Бизнинг оилада Ватан, миллатни севиш деган гаплар сийқаси чиққан, шунчаки айтиладиган гаплар эмасди. Биз учун бу туйғулар ўта табиий ва одатий қабул қилинарди. Отам борлигида "четга суриш" деган фикр ҳаёлимга умуман келмаган. Фаолиятим тақозоси туфайли турфа одамлар орасида мулоқотда бўламан, ишим битиши учун уларнинг дунёқарашлари билан ҳисоблашишга, эшитишга ва маълум қисмини ўзимга юқтиришга мажбур бўламан – бу сиз илож йўқ. Қолаверса, ташқи дунёдан олинмайдиган жуда кўп салбий энергия, информация, инсон табиатини ўзгартирадиган таъсирлар бўладими, уни ҳазм қилавериш, қалбингиз, дунёқарашингиз ўзгара бошлаётганини сезмай қоласиз. Отам бунга қарши менинг имунитетим эдилар. Аслида олдинлари ҳам ана шундай "инсонни ўзгартирувчи ташқи таъсирлар" бўлган, лекин уйга келгач, отам билан суҳбатлашгандан сўнг, ҳаттоки, шунчаки гапларини эшитгандан кейин барча юқтирилган "гард"лар ювилиб кетарди. Ҳозир эса инсон бўлиб қолиш борган сари катта масъулият ва куч талаб қиляпти, энди менинг ўрнимга бунга қарши туриб, қайтармадан одам йўқ – Маҳмуд Саъдий Аллоҳ менга берган ана шундай кучли ҳимоячи, суянадиган тоғ эди. Ишдан толиқиб, баъзан муаммоларга учраб қайтсам, барча губорлар чиқиб кетарди, ҳаловат қайтарди – уйда отам мени кутарди. Оилада шунақа тафт мендам бўлишига умид қиламан.

Аллоҳнинг менга раҳмидилиги билан отам 80 йил умр кўрдилар. Утганларига тўрт йилдан ошдию, лекин қалбимдаги кемтик кетмади ва улар тириклик пайтидаги ҳаловат ҳисси ҳали қайтиб келмади...

САРДОР АЪЗАМ ЭРКИН ЎҒЛИ:

Болалигимдан отамнинг доим китоб ё газета ўқибган ҳолатини кўриб катта бўлганман. Бизни кўпроқ онам тарбия қилган бўлсалар-да, ҳар қандай жиддийроқ хархашамиз одатда отамнинг газета ортидан қоқоқ солиб қараб қўйишлари билан барҳам топарди.

ҳам бўлдим. Бунга ҳам отам сабабчи. Ўқишни битирганимдан сўнг илмий иш қилишга доим ундаб келганлар. Профессорликни ҳам тезроқ олишим керак эди... Умуман олганда, отам менинг ҳаётимда асосий ўрин эгаллайдиган шахс. Кенжа фарзанд эканим, кўп нарсани опам ва акамдан кўра мендан куттишлари бунинг боиси бўлса ажаб эмас. Ҳар қандай қийин вазиятда, турмуш ва ишдаги турли жумбоқларга рубаруб келганимда менга доим жўяли маслаҳат бериб келадилар, қуйин-чаклик қиладилар. Мен ҳам отамнинг ишончини оқлашга қўлимдан келганига ҳаракат қиламан. Ҳафсалалари пир бўлган даврлар ҳам бўлади, албатта, лекин менга бунини билдирмайдилар.

Отам – ҳалол инсон. Бизга ҳалоллик ҳақида кўп ҳам гапирмаган бўлсалар-да, ибратлари билан кўрсатиб келадилар. Ҳа-шаматсиз, бойликсиз бу ҳаётда маза қилиб яшаш мумкинлиги – отам амал қиладиган оддий ҳақиқат. Бизнинг оиламиз шiori шу аслида.

ҲАСАНОВ ОТАБЕК АБДУРАШИД ЎҒЛИ:

Дадам менинг устозим, мотиваторим. Беш ёшимда ҳарфларни танитганлар, етти ёшимда улар сабаб бемалол китоб мутлоа қила олардим. Болалигимда дадам бизга китоблардан иборат "Кутубхона уй" қуриб берганди. Китоб ва илм – шу тушунча руҳида улғайдик. Биз бирга ўқирдик, бирга китоблар мазмунини ҳақида гаплашардик. Бу мароқли эди. "Утган кунлар", "Меҳробдан чаён", "Кеча ва кундуз", "Навоий" асарлари руҳиятини болаларча англаганман ўшанда. Дадам ҳар куни мен ўқиган китоблар ҳақида суҳбатлашишни қанда қилмасдилар. "Қани, гапириб

мотиватори бўлиши керак. Фарзанд отадан куч олиши лозим. Бугун, балки ҳар бир ўзбек оиласида шундай оталар керакдир. Шунда биз тўлақонли илмий жамятга айланишимиз осон бўлармиди...

ТУРСУНОВ ЗИЁВУДДИН АНВАР ҚОРИ ЎҒЛИ:

Аллоҳ раҳматига олсин, отамиз, устозимиз Анвар қори домла кўп йиллар Тошкент шаҳрининг бош имом-хатиби вазифасида фаолият кўрсатдилар. Чорак асрдан кўпроқ мудат миллатимиз тинчлиги, эътиқодимиз софлигини сақлаш йўлида эрта-ю кеч жонини тикиб хизмат қилганини нафақат отамни яқиндан таниган дўст-биродарлари, шоғирдлари, балки бутун халқимиз яхши билади.

Отамнинг ўзим кузатган баъзи хислатларини эслашга ҳаракат қиламан. У киши жуда таъсирчан ва меҳрли эдилар. Оилада бўлсин, кўча-кўй, маҳаллада бўлсин, ҳар қандай яхши ёмон ишга бефарқ қаролмасдилар. Яхши ишдан суюниб, хурсандликларини яширолмас, албатта, муносабат билдириб ўтар, бу хайрли ишнинг давомлат бўлишига кишида рағбат уйғотардилар. Ҳайришаръий, ёмон бир ишга гувоҳ бўлиб қолса, уйлаб ўтирмасдан аралашар, кўчада ё масжидда бўлсин, тўхтаб, ўша ишни қилган кишига насихат қилар эдилар. Бузилиб бораётган қанча оилаларнинг ислоҳ бўлишига сабабчи бўлганларини қариндорлигимиз, маҳалладошларимиз, отамнинг шоғирдлари яхши билишади. Насихатлари шунчаки тил учиде эмас, дилдан бўларди. Ичларида диннинг, халқнинг ташвиши бўлгани учун ёниб сўзлардилар. Гап-сўз

қилардилар. Назаримда, меҳрибон падарим учун ечилмас муаммо йўқдек эди. Ҳар қандай ишга масъулият билан киришар ва осонлик билан удралагандек тасаввур уйғотардилар. Энди билсак, у кишига асло осон бўлмаган экан, ҳал этилган ҳар бир ишнинг ортида қанчалар ҳаяжон, хавотир, безовталиқлар яширин бўлганини, оқибатда саломатлик қанчалик бой берилганини бугун, мана у кишини йўқотганимиздан сўнг ҳис этяпмиз.

Ҳар ҳолда, бир нарсаси маълум – отамиз бутун умр инсонларга яхшилик соғиндилар, миллатимизнинг гуллаб-яшнашини, мусулмон умматининг маърифий юксалишини орзу қилдилар, диннинг, халқнинг ғами билан яшадилар... Аллоҳ сўзонаҳу ва таоло отамизни, у зотнинг шу даражада етишига сабабчи бўлган устозларини ғариқи раҳмат, шойистаи жаннат айласин.

ИМОМХЎЖАЕВ АБРОР АХБОР ЎҒЛИ:

Отамнинг ижобий хислатлари кўп бўлган: самимий, меҳнатқаш, ростўй, ҳақиқатпарвар... Лекин ёшлигимда ундан биринчи бор ғурурланганим эсимдан чиқмайди.

Отам шарҳловчиликдан ташқари футбол ҳақами бўлган ва ўн маротаба республиканинг энг яхши ҳақамлари қаторидан жой олган. Лекин, биласиз, ишқибозларнинг аксарияти семимли жамоаси мағлуб бўлса, кўпинча ҳақамни айбдор қилади ва ҳатто уни пулга сотилганликда айблади. Кунларнинг бирида отамдан интервью олган телевидение журналисти шу ҳақда савол берган ва "Мен ҳеч қачон пулга сотилмаганман" деб баралла айта оласизми, деб сўраган. Отам "Бемалол айта оламан, агар кимдир менга пул берган ёки шу воқеага гувоҳ бўлган бўлса, чиқиш

ўргатадиган болалар программаларини мунтазам қуриш тартибини ўрнатган эдилар.

Ишонасизми, йўқми, 12-13 ёшимда инглиз адабиси Доди Смитнинг "101 долматин" номли фиштек келадиган эртак романини ўзбек тилига таржима қилдирганлар. Ўзлари инглиз тилини билмасалар-да, луғатдан қандай фойдаланишни ўргатганлар ўшанда. Ундан ҳам олдин кичик-кичик фантастик ҳикояларни ўзбекчага таржима қилдирган ва рағбат бўлсин дебми, газеталарда чоп этирганлар. Балки ўша рағбат туфайли бўлса керак, бугун дунёнинг асосий тилларининг кўпини яхши эгаллаганман.

Мен ҳозир олис Канадада яшасам ҳам, Ўзбекистон ҳаётини, унинг тарихидан, маданиятидан узилган эмасман. Бу хислат ҳам отамнинг она юрт тарихига бўлган меҳри орқали бизга ўтган. Отамнинг бир ўғити ҳаммаша ёдимда туради: "Уятли ишлардан сақлан. Сен фақат менинг болам эмас, Ўзбекистон тарихида, маданиятида, Нақшбандия тарикатида излари қолган фидо ва донишманд болаларинг авлодсан, бир уятли иш қилиб, уларгаам азоб берма", деб доим тақорлаб турардилар. Уша болалар тарихини ҳикоя қилиб ҳам берганлар. Худо хоҳласа, бу ҳикояларни набираларимга айтаман, деган умидим бор.

Ана шу "уятли ишлардан сақлан" насихатлари менинг ҳаёт шiorимга айланган. Яна шунини билмаманки, отамнинг ўзиям бу ҳикматни ҳам ижодда, ҳам ҳаётда қатъий позицияга айлантирганлар. Энг аввало, шу сабабдан отам билан фахрланаман. Бир марта отам "Мен шеър ёзсам, бобон ва сен қараб тургандай ҳолатда, ёзсаман" деганлари эсимда. Менга бағишланган шеърлари ҳам жуда кўп.

Наргиза ОДИНАЕВА тайёрлаган.

"Oyin.uz"дан қисқартириб олинди.

MUASSIS: TADBIRKORLAR VA ISHBILARMONLAR HARAKATI – O'ZBEKISTON LIBERAL-DEMOKRATIK PARTIYASI



Бош муҳаррир
Норқобил ЖАЛИЛОВ

Таҳрир хайъати:
Ақтам ХАЙТОВ
Дилшод ШОУМАРОВ
Шухрат БАФОВ
Мавлуда ХУЖАЕВА

Сирожиiddin САЙИИД
Адхам ШОДМОНОВ
Виктор ПАК
Насимжон АЛИМОВ

Таҳририят манзили:
Тошкент шаҳри
Нукус кўчаси 73А-уй.

Электрон почта:
xxi_asr@mail.ru
xxi_asr@mail.ru



Телефонлар:
қабулхона –
71 215-63-80
(тел./факс).
Обуна ва реклама бўлими –
71 255-68-50.

"XXI asr" ижтимоий-сиёсий газетаси
Ўзбекистон Матбуот ва ахборот агентлигида 2011 йил 14 июнда 0009-рақами билан рўйхатдан ўтказилган.

"Шарқ" нашриёт-матбаа акциядорлик компанияси босмахонасида чоп этилди.

Корхона манзили:
Тошкент шаҳри Буюк Турон кўчаси 41-уй.
Газета офсет усулида, А-2 форматда босилди. Ҳажми – 3 босма табақ.
Буюртма рақами: Г – 145
Адади: 4030
Баҳоиси келишилган нархда.
Топширилди – 20:20

Таҳририятга келган кўлэмалар тақриз қилинмайди ва муаллифларга қайтарилмайди.

© "XXI asr" дан олинган маълумотларга манба сифатида газета номи кўрсатилиши шарт.

Муаллифлар фикри таҳририят нуктаи назаридан фарқ қилиши мумкин.
Газета таҳририят компьютер марказида терилди ҳамда дизайнёр

Маъруфжон Раҳмонов томонидан саҳифаланди.



НАШР КўРСАТКИЧИ: 406
1 2 3 4 5 6

Навбатчи муҳаррир:
Нуржон ЭЛИМРИЗАЕВА